

Ժողովուրդ

174
(3024)

12 դեկտեմբերի հինգշաբթի 2024
տպագրության ԺԳ տարի

Է. Երեան, Արմլուր 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՖՈՒՏՋԱԼԻ ՎԻՃԱԲԱՆՆՈՒԹՅԱՆ ՀԵՏԲԵՐՈՎ



Ֆուտզալի Հայաստանի Բարձրագույն խմբի առաջնության 2024-25 մրցաշրջանում նոյեմբերի 25-ին «Երեան ՖԱ-ի» և «Յունիսպորտի» միջև խաղից հետո վիճաբանություն է սկսվել և գրանցել, ինչը կոծկվել է:

Բանն այն է, որ գործող չեմպիոն «Երեանը» այս մրցաշարում կրեց իր առաջին պարտությունը, որն էլ դարձել է կռվի պատճառ:

Այս վիճաբանության կենտրոնում ֆուտզալի Հայաստանի ազգային հավաքականի գլխավոր մարզիչ Ռուբեն Նազարեթյանն է, ով նաև մարզում է ֆուտզալի «Երեան» թիմին:

Փորձեցինք կապվել Ռուբեն Նազարեթյանի հետ՝ հասկանալու, թե ինչպես է տեղի ունեցել դեպքը, և ինչպես են այն կոծկել, սակայն նրա հետ կապ հաստատել չհաջողվեց. հեռախոսահամարն անհասանելի էր:

Ֆուտբոլի ֆեդերացիայից նույնպես հնարավոր չէրավ մեկնաբանություն ստանալ:

Ըստ ամենայնի՝ փորձ է արվում այս վեճը կոծկելու, ինչպես, օրինակ, սկանդալի մեջ հայտնված հտորեն Հովհաննիսյանի որդու՝ Ժորա Հովհաննիսյանի դեպքը:

Բանն այն է, որ Shamshtyan.com-ը գրել էր, որ հենց այդ մրցաշարի օրը՝ նոյեմբերի 25-ին՝ ժամը 17:00-ի սահմաններում, Գարեգին Նժդեհ փողոցի 37/9 հասցեում գործող «Տոսկանա» հյուրանոցում երիտասարդ կինը, լինելով անօգնական և գտնվելով ավտոմեքլի ազդեցության տակ, պարտադրված սեռական հարաբերություն է ունեցել իր ծանոթի ընկերոջ հետ, իսկ իր ծանոթը իրեն ծեծի է ենթարկել՝ պատճառելով մարմնական վնասվածքներ:

Ոստիկանների կողմից ձեռնարկված միջոցառումներով պարզվել է, որ վերոնշյալ միջադեպը կատարել են Երեանի բնակիչներ 37-ամյա և 30-ամյա տղամարդիկ:

Իսկ ավելի ուշ պարզվեց, որ բռնաբարության կասկածյալներից մեկը հայ հայտնի ու լեգենդար ֆուտբոլիստ հտորեն Հովհաննիսյանի որդին է: Ավելի ուշ Ժորա Հովհաննիսյանը հերքեց իր մասնակցությունը «Տոսկանա» հյուրանոցում տեղի ունեցած անհասկանալի պատմության վերաբերյալ:

Հավելենք, որ Ժորա Հովհաննիսյանը մշտապես եղել է սկանդալների կիզակետում: Տարիներ առաջ նա իր վարած Mercedes մակնիշի մեքենայով հարվածել էր Opel մակնիշի տաքսիի: Ավելի ուշ պարզվել էր, որ Ժորա Հովհաննիսյանը ավտոմեքլի ազդեցության տակ է եղել:

Բայց, ստացվում է, որ սա ֆուտբոլի և ֆեդերացիայի շուրջ սկանդալ չստեղծելու նուրբ քայլ է՝ ծածկադմկից:

Ու է Հարկադիր կատարման ծառայության պետի հավանական թեկնածուն է, ըստ, նախնական վարկածի, ում է ուզում արդարադատության նախարար Սրբուհի Գալստյանը նշանակել Հարկադիր կատարման ծառայության պետ: «Ժողովուրդ» օրաթերթին հասած լուրերի համաձայն՝ թեկնածուն ԴԱՀ-ում երկար տարիներ գործունեություն ծավալած Դավիթ Բեգինյանն է, ով խիստ նեղսրտած տարիներ առաջ հեռացել էր համակարգից: 2020 թվականին «Ժողովուրդ»-ը գրել էր, որ 2019 թվականի հուլիսի 19-ին ՀՀ գլխավոր հարկադիր կատարողի ժամանակավոր պաշտոնակատար էր նշանակվել արդարադատության գնդապետ Դավիթ Բեգինյանը, և շուրջ 8 ամիս կատարելով ԴԱՀ պետի ժամանակավոր պաշտոնակատարի պարտականությունները՝ մարտի 9-ին ազատման դիմում գրեց, նեղացած հեռացավ: Նշենք, որ Դավիթ Բեգինյանը մինչև ԴԱՀ պետի ժամանակավոր պաշտոնակատար նշանակվելը եղել է ԴԱՀ պետի երրորդ տեղակալը: Ու երբ նա նշանակվել էր ԴԱՀ պետի ժամանակավոր պաշտոնակատար, ԴԱՀ պետի երրորդ տեղակալի պաշտոնը թափուր էր մնացել: Բայց քանի որ ՀՀ արդարադատության նախկին նախարար Ռուստամ Բադալյանը որոշել էր ԴԱՀ պետի պաշտոնում նշանակել իր քավորին, Դավիթ Բեգինյանին հասկացել է, որ այս ընթացքում ԴԱՀ ոլորտում հեղափոխություն չի արվել, մինչդեռ այդ ոլորտում ԴԱՀ նախկին պետ Միհրան Պողոսյանից հետո պետք է այնպիսի հեղափոխական քայլեր արվեին, որ ներքեից վերել զգային բոլորը: Բեգինյանը, այսպիսով, 8 ամիս անց ստիպված հեռացավ:



ՀՀ Ազգային ժողովի աշխատակազմը օրերս ապահովագրել է շուտով կրճատվող ծառայողական մեքենաները՝ ընդհանուր պայմանագրի համար վճարելով 2 մլն 280 հազար դրամ: «Ժողովուրդ» օրաթերթը պաշտոնական աղբյուրներից պարզեց, որ ՀՀ Ազգային ժողովը 2024 թվականի նոյեմբերի 22-ին պայմանագիր է կնքել «Սիլ ԻնՉուրանս» ՓԲԸ-ի հետ և ձեռք է բերել փոխադրամիջոցների հետ կապված ապահովագրական ծառայություններ: Այս պայմանագրով Ազգային ժողովն ապահովագրել է 41 մեքենա: Սա տարօրինակ չէր լինի, եթե Փաշինյանը գրիչը ձեռքին էր բերում չպակասեցներ ծառայողական մեքենաների քանակը, և Ալեն Սիմոնյանն էլ, նրանից ոգետրված, չգրեր, թե «ՀՀ ԱԺ-ն մինչև հեղափոխությունը՝ 2018 թվականի սկզբին, ունեցել է 81 տրանսպորտային միջոց՝ հետագայում կրճատելով դրանք: 2018 թ. - 10 ավտոմեքենա, 2019 թ. - 4 ավտոմեքենա, 2020 թ. - 3 ավտոմեքենա, 2021 թ. - 17 ավտոմեքենա, 2022 թ. - 2 ավտոմեքենա, 2023 թ. - 3 ավտոմեքենա, 2024 թվականին մեկնարկել է ևս 12 ավտոմեքենայի կրճատման գործընթացը, որն ավարտին կհասցվի տարեվերջին: Իսկ 2025 թվականի սկզբին ՀՀ ԱԺ-ն կունենա ընդամենը 30 տրանսպորտային միջոց: Կրկին՝ 2018 թ. - 81 մեքենա, 2025 թ. - 30 մեքենա», - գրել էր Սիմոնյանը: Բայց ԱԺ նախագահի հայտարարությունը, կարծես, հենց իր կողմից նշանակված աշխատակազմի ղեկավար Դավիթ Առաքելյանը չի կարդում, և մեկ ամիս հետո 30 ավտոմեքենա ունեցող ԱԺ-ի համար 41 ավտոմեքենայի ապահովագրություն է անում:



«Ժողովուրդ» օրաթերթի տեղեկություններով՝ ՔՊ-ում պաշտոնակազմի է սկսվել, իսկ կռվախնձորն էլ ԱԺ առողջապահության հանձնաժողովի նախագահի, ապա նաև տեղակալի պաշտոններն են: Ինչպես հայտնի է, Նարեկ Զեյնալյանի հեռանալուց հետո ՔՊ-ն փնտրում էր հանձնաժողովի նախագահի թեկնածու, որը կապ ունենա բժշկական ոլորտի հետ: «Ժողովուրդ» օրաթերթի լավատեղյակ աղբյուրները հայտնում են, որ ուրբաթ օրը կայացած ՔՊ խմբակցության դռնփակ նիստի ընթացքում 10 դեմ ձայնով հանձնաժողովի նախագահի թեկնածու է ընտրվել Արսեն Թորոսյանը, որին առաջադրել է նախկին թղթակից, հիմա ԱԺ պատգամավոր, բայց առողջապահության ոլորտի հետ առնչություն չունեցող (ԱԺ այդ հանձնաժողովի անդամ) Էմմա Պալյանը: «Ժողովուրդ» օրաթերթի տեղեկություններով՝ հիմա ՔՊ-ական կանայք պայքարում են հանձնաժողովի նախագահի տեղակալի պաշտոնի համար: Այսպիսով՝ ArmLur.am-ը գրել էր, որ առողջապահության հանձնաժողովի փոխնախագահ, ՔՊ-ական Լուսինե Բադալյանը, ի համերաշխություն վերջերս մանդատը վայր դրած Նարեկ Զեյնալյանի, հրաժարվել է գբաղեցնել հանձնաժողովի նախագահի տեղակալի պաշտոնը: «Ժողովուրդ» օրաթերթի տեղեկություններով՝ հանձնաժողովի փոխնախագահի պաշտոնի համար պայքարում են ՔՊ-ական պատգամավորներ Էմմա Պալյանը և «Գրիգոր Լուսավորիչ» բժշկական կենտրոնի նախկին բուժքույր Հռիփսիմե Հունանյանը:



ԶՐՈՒՅՑ

«ՄԵՆՔ ՎԵՐԱԴԱՌՆԱԼՈՒ ԵՆՔ...» ԼԵՎՍ ԴԱՎԹՅԱՆ

Վերջին քառասուն մեկուսուկան որոշում ամենահայտնի իրադարձությունը բասրոնների շուրջ ստեղծված իրավիճակն է. սիորեններ են փոխվում, բասրոններ են փակվում, դերասաններ են անգործ մնում:

Վերջին ամիսներին հատկապես արդիական է «Գոյ» թատրոնի շուրջ ստեղծված իրավիճակը: Թատրոնը փակվեց, աշխատակիցները տեղափոխվեցին Սունդուկյան թատրոն, սակայն առկա աշխատելանոցի տարբերությունը հնարավորություն չի տալիս աշխատել նույն տարածքում:

«Գոյ» թատրոնին նախորդել էր «Միեր Սկրտյան արտիստական թատրոն»-ի գեղարվեստական ղեկավարի հաստիքի շուրջ առկա իրարանցումը: Միեր Սկրտյանը հերթական անգամ չնշանակվեց թատրոնի տնօրեն, եւ նրան փոխարինեց իշխանական հայացքներով հայտնի Տաթև Մելքոնյանը:

Դեռևս երեք տարի առաջ էլ փակվել էր «Կամերային երաժշտական թատրոնը»:

Այս եւ այլ թեմաների մասին «Ժողովուրդ» օրաթերթը գրուցել է դերասան Լեւս Դավթյանի հետ, ով նախկինում աշխատում էր «Միեր Սկրտյան արտիստական թատրոնում»:

Զրույցի ընթացքում քննարկվել են «Միեր Սկրտյան արտիստական թատրոնում» տեղի ունեցած իրադարձությունների, քաղաքական թեմաների մասին չլուր եւ պաշտոնականությունների վերաբերյալ հարցեր:

Ստորեւ ներկայացնում ենք հարցազրույցը՝ համառոտ:

Լեւս, դեռ փետրվարին սոցցանցի Ձեր էջում հրապարակում կատարեցիք այն մասին, որ Դուք եւ հայտնի ու սիրված ես մի քանի դերասաններ հեռանում եք «Միեր Սկրտյան արտիստական թատրոնից»: Ինչպե՞ս այդ ամենը ստացվեց եւ ինչո՞ւ:

–Սա մեր գործող իշխանությունների կողմից դասական սխեմա էր. ցավեցնել մարդկանց ամենացավոտ կետով՝ իրենց աշխատանքով: Հեռացում են մարդկանց իրենց ամենակարեւոր գործից: Ժողովուրդը:



դավար երկիր է: Այդպես են պատժում այն մարդկանց, ովքեր ազատ արտահայտում են իրենց կարծիքը: Թատրոնի գեղարվեստական ղեկավար Միեր Սկրտյանին, բնականաբար, շատ անհիմն պատճառաբանությամբ հեռացրին աշխատանքից՝ կրճատելով հաստիքը: Պատճառաբանում էին, որ Միեր Սկրտյանը չունի մասնագիտական կրթություն, իսկ Միերը այն մարդն է, ով մշակույթի ոլորտում ամենաբարձր որակավորում ունեցող համալսարաններից մեկն է ավարտել: Հաջորդիվ արդեն բարոյականության հարց էր այնտեղ մնալը, քանի որ թե՛ ինձ, թե՛ մյուս դերասաններին, որոնց հետ դուրս եկա թատրոնից, աշխատանքի հրավիրել էր Միեր Սկրտյանը, եւ միասին էինք ստեղծագործում: Այս թեմայով շատ եմ խոսել, բայց կկրկնեմ, որ մենք այն հույսով ենք, որ վերադառնալու ենք, քանի որ չի կարելի այդպես մտնել մարդու տուն եւ այնպես անել, որ մարդն իր տնից դուրս գա: Ես լիահույս եմ, որ այս ամենը ժամանակի հարց է:

Ինչպե՞ս կարող եք մշտապես խոսել մշակույթի զարգացման եւ տարածման մասին, սակայն Դուք էլ նշեցիք, որ իրենց բնորոշ վարքագծով մարդկանց

հեռացնում են աշխատանքից, փակում թատրոնները, ինչպես «Գոյ»-ի դեպքում է: Ինչո՞ւ է, ըստ Ձեզ, լարվածությունը մեծ հենց թատրոնների շուրջ:

–Մենք ինչ իրենց կողմից շատ համաչափ է եւ ճիշտ է գնում: Այս համատարած լուրջությունն ու հարմարվելու գործընթացը հանգեցնելու է նրան, որ բոլոր այն մարդիկ, ովքեր որ կարծել են՝ եթե այս պահին լռեն ու այս իշխանությունների մասին վատ բան չասեն, չբարձրաձայնեն այն, ինչ տեսնում են, չասեն իրողությունը, ապա իրենք փրկվելու են, եւ իշխանությունն իրենց օրվա հացին չի կաշեցու: Բայց չէ, հերթով: Ես նույնիսկ վստահ եմ, որ փակ ժողովներ են եղել, որոշումներ են կայացվել, եւ շուտով բոլոր թատրոնները փակվելու են, բոլոր մշակութային օջախները, որոնք իրենց պետք չեն: Հիմա իրենց ազգային հերոսը հարկ վճարողն է, իրենց մշակույթը պետք չէ: Կմտա երկուերեք թատրոն, մնացածն էլ պետք չեն: Թող լուր խոսեն բոլորը ու սպասեն, որ հերթը հասնի իրենց թատրոններին, իրենց գործերին, իրենց ընտանիքներին: Թող շարունակեն համատարած լռել:

ՄԱՆԱ ՍՈՍՊՈՒՆՅԱՆ, ՀՈՐԻ ԲԱՂԱՍԱՐՅԱՆ

ԼՈՒՐԵՐ

ՔՂ-Ն ՊԱՐՏՎԵՑ ԳՅՈՒՄՆԵՐՈՒՄ

Գյումրիում երեքշաբթի գիշերը ավարտվեց համայնքապետի ժամանակավոր պաշտոնակատարի ընտրությունները:

Ընտրությունների արդյունքում առավելագույն ձայները ստացավ Սարիկ Մինասյանը, ով վարչապետի որոշմամբ, կնշանակվի Գյումրու քաղաքապետի պաշտոնակատար, իսկ արդեն համայնքապետի ընտրությունների ժամանակ նա կգլխավորի ԶՊ ցուցակը: Նա ստացել է 253 ձայն:

Սարիկ Մինասյանը միասնական սոցիալական ծառայության Գյումրու տարածքային կենտրոնի տնօրենն է: Ուշագրավ է, որ վերջինս իշխող կուսակցության անդամ չէ:

2018 թվականին ընտրվել է ՀՀ ԱԺ պատգամավոր «Լուսավոր Հայաստան» կուսակցության թիվ 11 ընտրատարածքի տարածքային ընտրական ցուցակով:

Նշենք, որ Սարիկ Մինասյանից բացի, համայնքապետի ժամանակավոր պաշտոնակատարի ընտրություններին մասնակցում էին նաեւ «Քաղաքացիական պայմանագիր» խմբակցության պատգա-

մավորներ Դավիթ Առուշանյանը, Կարեն Սարուխանյանը, Գյումրու նախկին փոխքաղաքապետ Վահագն Սկրտյանը, Գյումրու ավագանու անդամ Շավարշ Արամյանը, 33-ամյա Լեւոն Անանյանը, Շիրակի մարզպետի աշխատակազմի զարգացման ծրագրերի մշակման եւ իրացման բաժնի ավագ մասնագետ Էմմա Բարսեղյանը:

ՔՐԻՍՏԻՆԱ ՍՈՒՇԵՐՅԱՆ

ԱՐԳՅՈՒՆՔՈՒՄ ԳՅՈՒՎԱՅԻՆ Է ՏՈՒԺՈՒՄ

Դեռ դեկտեմբեր ամսվա սկզբին e-draft համակարգում, որպես նախագծի մշակող, Տարածքների կառավարման եւ ենթակառուցվածքների նախարարությունը դրել էր 2 նախագիծ՝ մեկը գյուղական ամբուլատորիաների օպտիմալացում Գեղարքունիքի մարզում, մյուսը Արարատի մարզում:

«Ժողովուրդ» օրաթերթի հետ զրույցում «Առողջության իրավունք» ՀԿ նախագահ Անուշ Պողոսյանը ասաց. «Մենք հիմնավորումներ սկսեցինք խնդրել տարբեր գերատեսչություններից՝ հասկանալու համար՝

ինչ հիմքով են այդ ամբուլատորիաները օպտիմալացվում, քանի որ նախագծի մշակողը երեւում էր Տարածքային կառավարման նախարարությունը եւ մենք առաջին հարցումը արեցինք այդ նախարարությունից: Պատասխանը եղավ՝ վերահասցեագրվել է առողջապահության նախարարությանը, քանի որ ՏԿԵՆ-ը իրավասու չէ իր լիազորության շրջանակում կատարել բարեփոխումներ, որոշել առողջապահական հիմնարկների օպտիմալացման ծրագրերի հետ կապված խնդիրները»:

Անուշ Պողոսյանը պնդում է, որ ՏԿԵՆ-ի մեկնաբանությունը այն մասին է, որ իրենց լիազորություններից դուրս է այս հարցով զբաղվելը, բայց այդ, լիազորություններից դուրս լինելով հանդերձ, e-draft-ում դրել են, եւ հստակ երեւում է, որ նախագիծ մշակողները իրենք են:

Նրա խոսքով՝ ստացվում է, որ կատարվում է երկու խոշոր մարզերի ամբուլատորիաների օպտիմալացում, բայց բոլորը իրար վրա են գցում, որի արդյունքում տուժելու է միայն գյուղի բնակիչը:

«Ժողովուրդ» օրաթերթը կապ հաստատեց ՏԿԵՆ-ի մասնուլի քարտուղար Սոնա Հարությունյանի հետ, վերջինս հորդորեց գրավոր հարցում ուղարկել նախարարություն:

ԷԿԱՍ ՍՈՍՏՐՈՍՅԱՆ



«ՄՈՏ ԵՆՔ ԽԱՂԱՎՈՒԹՅԱՆ ՀԱՄԱԵԼՈՒՄ» ԹՈՒՐԲԵԱՅԻ ԱԳՆ

Մենք մոտ ենք Ադրբեջանի եւ Հայաստանի միջեւ խաղաղության հասնելուն: Այս մասին հայտարարել է Թուրքիայի արտաքին գործերի նախարար Հաքան Ֆիդանը:

«Խաղաղության ապահովումը կնպաստի տարածաշրջանի զարգացմանը եւ նոր հնարավորություններ կստեղծի: Թուրքիան աջակցում է բոլոր ջանքերին այս գործընթացում: Մեր երկիրն աջակցում է կողմերի միջեւ բանակցություններին, որոնք ընթանում են երկկողմ հիմունքներով՝ առանց միջնորդների», - նշել է Ֆիդանը:

ՍԱՐԻԿ ՄԻՆԱՍՅԱՆԸ՝ ԺՊ

Գյումրու համայնքապետի ժամանակավոր պաշտոնակատարի ընտրություններում 253 ձայնով հաղթեց Սարիկ Մինասյանը:

Լեւոն Անանյանը հավաքել է 91 ձայն, Դավիթ Առուշանյանը՝ 220, Շավարշ Արամյանը՝ 88, Էմմա Բարսեղյանը՝ 113, Վահագն Սկրտյանը՝ 118, Կարեն Սարուխանյանը՝ 143 ձայն:

Փրայմերիզը կամ պաշտոնակատարի նախնական ընտրությունը Հայաստանում ըստ էության առաջին անգամ է անցկացվում. գործընթացը մեկնարկել է դեկտեմբերի 8-ին:

Հիշեցնենք, որ ՀՀ վարչապետ Նիկոլ Փաշինյանը դեկտեմբերի 4-ին իր ֆեյսբուքյան էջում հայտնել է՝ ովքեր կմասնակցեն Գյումրու քաղաքապետի նախնական ընտրություններին:

Նա նշել է, որ համապատասխան որոշումը դեկտեմբերի 3-ին կայացվել է «Քաղաքացիական պայմանագիր» կուսակցության վարչության նիստում, քաղաքապետի պաշտոնակատարի թեկնածուներ են Լեւոն Անանյանը, Դավիթ Առուշանյանը, Շավարշ Արամյանը, Էմմա Բարսեղյանը, Սարիկ Մինասյանը, Վահագն Սկրտյանը եւ Կարեն Սարուխանյանը: Նախնական քվեարկության արդյունքներով առավելագույն ձայն ստացած թեկնածուին Փաշինյանը կնշանակի Գյումրու քաղաքապետի պաշտոնակատար:

Պարտադիր պայման էր, որ թեկնածուները ոչ միայն առնվազն վերջին 6 ամսում հաշվառված լինեն Գյումրիում, այլև լինեն ԶՊ անդամ, աջակից կամ համակիր:

ՀԱԿՈՒ ԱՄԼԱՆՅԱՆԸ ԳԱԳԱՐԵՅՆՈՒՄ Է ՔՂ-Ի ՀԵՏ

ՀԱՄԱԳՈՐԾԱԿՑՈՒԹՅՈՒՆԸ

ԱԺ պատգամավոր Հակոբ Ասլանյանը ԶՊ-ի հետ համագործակցությունը դադարեցնում է եւ դուրս գալիս խմբակցությունից:

«Ժողովուրդ» օրաթերթի հետ զրույցում պատգամավորը նշեց, որ մեկ ամսով է կասեցնում իր մասնակցությունը «ԶՊ» խմբակցությանը, եւ որ այդ ընթացքում հարցազրույցներ չի տալու:

Պատճառը իր ընկեր Հովիվ Աղազարյանի շուրջ տեղի ունեցող զարգացումներն են:

ԻՐԱՎԻՃԱԿ

Տ. ԱՎԻՆՅԱՆԻՆ ՓՈՒՍԿՐԻՆՈՂ ՏԵՍՆՈՒՄ ԵՆ ԻԶԱԲԵԼԼԱ ԱԲԳԱՐՅԱՆԻՆ

ՆՈՐ ԶԱՐԳԱՑՈՒՄՆԵՐ՝ ԱՎԱԳԱՆԻՈՒՄ

ԲՆԱԿԻՉՆԵՐԸ ՄՏԻՊՎԱԾ ՏԱՐՎԱՆՎԵԼ ԵՆ

ԱՄՆ Կալիֆոռնիայի նահանգում մուլտիմեդիա անտառային հրդեհների պատճառով Մալիբուի բնակիչները ստիպված են եղել տարահանվել, քանի որ հրդեհը սպառնում է նրանց տներին: Բացի այդ, կրակի տարածման պատճառով տեղի են ունեցել հոսանքազրկումներ, փակվել են ճանապարհները: Այս մասին հաղորդում է Reuters գործակալությունը:

Հրդեհը, որը ստացել է «Ֆրենկլինի հրդեհ» անվանումը, դեկտեմբերի 10-ին երկու հեկտարից տարածվել է գրեթե 1100 հեկտար տարածության վրա: Կրակի արագ տարածմանը նպաստում են ուժգին քամիները:

Հրդեհը ոչնչացրել է մի քանի տուն, գոհեր եւ վիրավորներ չկան:

Լոս Անջելեսի հրշեջ ծառայության ղեկավարը հայտարարել է, որ հրդեհաշիջման աշխատանքներում ներգրավված 700 հրշեջներին կմիանան եւս 300-ը:

Հրդեհն առայժմ չի հաջողվել մեկուսացնել:

ԱՄՆ-Ն ԿԻԵՎԻՆ ԿՏՐԱՄԱԳԻՐԻ 20 ՄԻԼԻԱՐԳ ԳՈՒԱՐԻ ՎԱՐԿ

ԱՄՆ ֆինանսների նախարարությունը հայտարարել է Ուկրաինային 20 միլիարդ դոլարի վարկ տրամադրելու որոշման մասին, որը կմարվի Ռուսաստանի Դաշնության սառեցված ակտիվներից ստացված եկամուտներով:

«ԱՄՆ ֆինանսների նախարարությունն այսօր հայտարարում է Ուկրաինային 20 միլիարդ դոլար հատկացնելու մասին՝ որպես G7-ի նախաձեռնության մաս՝ 50 միլիարդ դոլարի վարկերի համար: Այս գումարը կվերադարձվի ռուսական սառեցված ակտիվներից ստացված եկամուտներով», - ասվում է նախարարության հայտարարության մեջ:

Հունիսին Իտալիայում G7-ի գագաթնաժողովի մասնակիցները քաղաքական համաձայնություն ձեռք բերեցին ռուսական սառեցված ակտիվներից ստացված եկամուտներն օգտագործելու Ուկրաինային օգնելու համար: Խոսքը վերաբերում էր Կիեվին մինչև այս տարվա վերջ 50 միլիարդ դոլարի վարկ տրամադրելու մասին:

ՔՆՆԱՐԿՈՒՄ

Դեկտեմբերի 19-ին կայանալիք տարվա վերջին գագաթնաժողովում Եվրամիություն երկրների ու կառավարությունների ղեկավարները կքննարկեն Սիրիայում Բաշար Ասադի կառավարման ավարտից հետո ստեղծված իրավիճակը: Այս մասին հայտարարել է Եվրոպական խորհրդի նախագահ Անտոնիո Կոստան:

«Դեկտեմբերի 19-ին կայանալիք Եվրոպական խորհրդի թեման կլինի Սիրիան», - գրել է նա X-ում:

Կոստան ասել է, որ ինքը «սերտ կապի մեջ է Մերձավոր Արևելքի առաջնորդների հետ այս հարցում՝ իրավիճակը գնահատելու համար»:

«Մարդու իրավունքները հարգելը եւ փոքրամասնությունների պաշտպանությունը, ինչպես նաեւ երկրի տարածքային ամբողջականությունը առանցքային են ԵՄ-ի համար», - հավելել է նա:

«Ազգային առաջընթաց» խմբակցությունը Տիգրան Ավինյանի ղառսոճանկության դեմքում բաղաձայն է թեկնածու դիտարկում է խմբակցության ֆարսուղար Իզաբելլա Աբգարյանին:

«Ժողովուրդ» օրաթերթը հայտնել էր, որ Հայկ Գրիգորյանի «Ազգային առաջընթաց» կուսակցությունը պատրաստվում է Տիգրան Ավինյանի պաշտոնակալության գործընթաց սկսել:

«Ժողովուրդ» օրաթերթը տեղեկացավ, որ ուրբաթ օրը ավագանու «Ազգային առաջընթաց» խմբակցության Հայկ Մարությանի թիմի անդամները, այսինքն՝ անկուսակցական 5 եւ «Նոր ուժ» կուսակցության 3 անդամները, քննարկել են Հայկ Գրիգորյանի՝ քաղաքապետի պաշտոնակալության նախաձեռնությունը: Քննարկման արդյունքում որոշվել է, որ եթե միանան Հայկ Գրիգորյանի նախաձեռնությանը, ապա իրենց թեկնածուն լինելու է Իզաբելլա Աբգարյանը:

«Ժողովուրդ» օրաթերթի հետ զրույցում Իզաբելլա Աբգարյանը նշում է՝ գտնում ենք, որ մայրաքաղաքի կառավարման իրավունքը պետք է հանձնել երեսնակներին, մենք պատրաստ ենք ցանկացած ձեւաչափով միանալ ընդդիմադիր ուժերին, սակայն պաշտոնակալության գործընթացի հետ կապված մտահոգություններ ունենք, քանի որ ընդդիմադիր խմբակցությունները 33 ձայն չունեն:

«Իսկ գործընթացը ստապալելու դեպքում, մենք միայն մեկ մարդու լավություն կանենք՝ Տիգրան Ավինյանին, ով եւս մեկ տարվա իմունիտետ կստանա:

Բացի դա, պաշտոնակալության նախագծում պարտադիր պետք է նշված լինի ընդդիմության միասնական թեկնածուն, անուն-ազգանուն պետք է լինի:



«Ազգային առաջընթաց» կուսակցության ղեկավար Հայկ Գրիգորյանն առաջարկել է, որ ամեն խմբակցություն իր թեկնածուին առաջադրի: Ավագանու «Ազգային առաջընթաց» խմբակցությունը 8 կողմ ձայնով որպես քաղաքապետի թեկնածու տեսնում է ինձ, մյուս խմբակցությունները եւս կարող են իրենց թեկնածուներին առաջադրել:

Հայկ Գրիգորյանի «Ազգային առաջընթաց» կուսակցության անդամները հենց Հայկ Գրիգորյանի թեկնածությունն են առաջադրում, իսկ արդեն խմբակցության մեծամասնության թեկնածուն եւս եմ:

Ի վերջո, բոլորս պետք է գանք համաձայնության մեկ թեկնածուի շուրջ, այստեղ եւս նույնպես բարդություն եմ տեսնում, կարծում եմ՝ հենց սրա համար Հայկ Մարությանին հեռացրին, որպեսզի չլինի թեկնածու, որն անվիճելի կլինի:

Իսկ թե ինչու է խմբակցությունն ինձ առաջարկում. ես անկուսակցական եմ, եւ կարող եմ մյուս խմբակցություններին կապող օղակ լինել, բացի դրանից՝ ունեմ մեծ փորձ ավագանիում», - ասում է Իզաբելլա Աբգարյանը:

Ք. Ս.

ՕՐՎԱ ԽՃԱՆԿԱՐ

ՀԱՅԱՍՏԱՆ-ՖՐԱՆՍԻԱ 2025 ԹՎԱԿԱՆԻ ԾՐԱԳԻՐԸ

Դեկտեմբերի 10-ին ՀՀ պաշտպանության նախարարությունում անցկացվել են Հայաստան-Ֆրանսիա ռազմավարական պաշտպանական խորհրդակցությունները՝ ՀՀ ՊՆ պաշտպանական քաղաքականության եւ միջազգային համագործակցության վարչության պետ Լեւոն Այվազյանի ու Ֆրանսիայի զինված ուժերի նախարարության միջազգային համագործակցության եւ ռազմավարության գլխավոր վարչության Եվրոպայի, Հյուսիսային Ամերիկայի ու բազմակողմ համագործակցության վարչության պետ Ալեքսանդր Էսկորսիայի գլխավորությամբ:

Խորհրդակցությունների ընթացքում ամփոփվել են համագործակցության շրջանակում 2024 թվականին իրականացված աշխատանքները եւ նախանշվել են հաջորդ տարվա ծրագրերը: Կողմերը հաստատել են վերջին շրջանում ակտիվ համագործակցության ռազմավարական նշանակությունը եւ սահմանել են համագործակցության զարգացման ավելի բարձր նշանոց:

Առանձնապես կարեւորվել է համագործակցությունը պաշտպանական պլանավորման, ռազմական կրթության ու վարժանքների, խորհրդատվական աջակցության, տարբեր գորատեսակների պատրաստության, ռազմատեխնիկական եւ այլ ուղղություններով:

Ալեքսանդր Էսկորսիայի գլխավորած պատվիրակությանն ընդունել է ՀՀ զին-



ված ուժերի գլխավոր շտաբի պետ, գեներալ-լեյտենանտ Էդվարդ Ասրյանը:

Քննարկվել են ՀՀ ԶՈՒ կերպարիման գործընթացի առաջնահերթությունները եւ այդ շրջանակում Ֆրանսիայի հետ համագործակցության ընթացքը: Գեներալ-լեյտենանտ Էդվարդ Ասրյանը գոհունակություն է հայտնել համագործակցության ներկայիս մակարդակից եւ հույս հայտնել, որ այն կշարունակի զարգանալ:

Կողմերը խորհրդակցությունների ընթացքում կարծիքներ են փոխանակել նաեւ տարածաշրջանային ու միջազգային անվտանգությանն առնչվող հարցերի շուրջ:

Խորհրդակցությունների արդյունքում ստորագրվել է Հայաստան-Ֆրանսիա պաշտպանական համագործակցության

2025 թվականի ծրագիրը, որն ընդգրկում է մի քանի տասնյակ միջոցառումներ ԶՈՒ կենսագործունեության գրեթե բոլոր ոլորտներում:

ՔՊ-ԱԿԱՆ ԱՐՄԵՆ ԹՈՐՈՍՅԱՆԸ՝ ՀԱԿՈՒ ԱՍԼԱՆՅԱՆԻ ՄԱՍԻՆ

Քաղաքական դավաճանությունը պոզով ու պոզով չի լինում, այլ լինում է հենց այսպես՝ թե՛ Աղազարյանի, թե՛ Ասլանյանի դեպքում: Այս մասին ֆեյսբուքյան էջում գրել է ՔՊ պատգամավոր Արսեն Թորոսյանը:

«Այսպես կոչված «անձնականը» մի պահ կողքի դնելով, հետաքրքիր է Հակոբ Ասլանյանը խմբակցության, նախաձեռնողի եւ այլ փակ նիստերից մի կոնկրետ լրագրողի համակարգված ձեռով տեղեկատվության, այդ թվում՝ պետական գաղտնիք պարունակող արտահոսքեր կազմակերպելը սեփական թիմի նկատմամբ դավաճանությունն չի՞ համարում: Իսկ կարո՞ղ է մի նման համակարգած մեխանիզմի մաս էլ հենց ինքն է կազմում:

Ի դեպ, քանի որ այս թեման շատ է շահարկվում, ուզում եմ տեղեկացնել, որ Հոփիկ Աղազարյանը կուսակցությունից իր հեռացման հարցը քննարկելիս ոչ միայն չի հերքել արտահոսքերի այդ համակարգված մեխանիզմի գոյությունը, այլեւ դրանում որեւէ «խնդիր չի տեսել»,- գրել է Թորոսյանը:

ՀԱՍԱՐԱԿՈՒԹՅՈՒՆ

ՄԱՐԶ

ՔԻՉ ՈՒՍՈՒՑԻՉՆԵՐ ԵՆ ԱՏԵՍՏԱՎՈՐՎԵԼ

Տավուշի մարզպետ Յայկ Ղալումյանին հարց ենք ուղղել՝ 2024թ. նոյեմբերի 25-ի դրությամբ Տավուշի մարզպետարանի ենթակայությամբ գործող հանրակրթական դպրոցներում քանի՞ ուսուցիչ է կամավոր ատեստացիային հաջող մասնակցելու արդյունքում աշխատավարձի հավելում ստանում, որանց քանի՞ տոկոսն է աշխատավարձի որքան տոկոսի հավելում ստանում: Մարզպետարանից պատասխանել են. «Տավուշի մարզի հանրակրթական դպրոցների 183 մասնավարձ անցել է կամավոր ատեստավորում, որոնց դրույթաչափը գործողից դարձել է 200.000 հազար դրամ: 127 մասնավարձ, ըստ հավաքագրած տոկոսի, ստանում են նաև հավելավճարներ՝ 30-50%-ի չափով»: Տավուշի մարզի հանրակրթական դպրոցներում աշխատում է 1575 ուսուցիչ, նրանց քիչ մասն է ատեստավորվել, աշխատավարձի հավելավճար ունեցել:

ԲՈՒԺԿԵՏԻ ՏԱՆԻՔԸ ՉՆՈՐՈՎԵՑԻՆ

2020 թվականի օգոստոսից սահմանափակված, հեռավոր Բարեկամական գյուղի բուժկետի տանիքի կետը ուժգին քանոց պրկված է, անձրենները, ձյունը լցվում են շենքից ներս՝ հակասանիտարական վատ վիճակ ստեղծելով բուժկետում: Բուժկետը գործում է Տավուշի մարզպետարանի ենթակայությամբ: Անցած 4 տարում բազմաթիվ անգամ դիմել են Տավուշի մարզպետարան՝ հարցնելով, թե երբ են նորոգելու բուժկետի շենքի տանիքը: Այս տարվա հուլիսին ուղարկած հարցմանը Տավուշի մարզպետ Յայկ Ղալումյանը պատասխանել է. «Նոյեմբերյան համայնքի «Կոթիի ԳԲՎ» ՊՈՒԿ-ի ենթակայության Բարեկամական բուժկետի շենքի վերանորոգման եւ վերակառուցման համար կադաստրի վկայական ստանալու գործընթացը ավարտական փուլում է (որից հետո կսկսվի վերանորոգում-վերակառուցումը): Բուժակ-մանկաբարձական կետը տեղափոխված է Բարեկամականի նախկին գյուղապետարանի վերանորոգված տարածք եւ իր գործունեությունը ժամանակավորապես ծավալում է այնտեղ»: Յայկ Ղալումյանը 2021թ. ապրիլի 8-ից Տավուշի մարզպետն է, անցած 3 տարում ինչո՞ւ չի ինստիտուցիոնալ կազմակերպության ֆինանսավորմամբ, «Կոթիի վիճակ» եւ «Ապավեն համայնքների» կազմակերպությունները վերանորոգել, կահավորել են Բարեկամականի բուժկետի շենքը, առանց կադաստրի վկայականի ու՞մ պատկանող շենքն են նորոգել, կահավորել այդ կազմակերպությունները: Նոյեմբերի 25-ին Բարեկամականի բուժկետի մասին նոր հարցում ենք ուղարկել Տավուշի մարզպետին, բուժկետի նորոգման մասին բոլորովին այլ պատասխան են տվել. «Բարեկամականի բուժակ-մանկաբարձական կետը ներկայումս գործում է նախկին գյուղապետարանի ծրագրով վերանորոգված եւ կահավորված սենյակում: ԲՄԿ-ի նախկին շենքի կադաստրում գրանցման, վերանորոգման եւ դրա հետ կապված հարցերով առաջարկում ենք դիմել Նոյեմբերյանի համայնքապետարան»: ՈՍԿՆ ՄԱՐԶԱՅՆ Տավուշ

ՎԻՃԱԿԱԳՐՈՒԹՅՈՒՆ

ԱՌՈՂՋԱՊԱՀԱԿԱՆ ՈԼՈՐՏԻ ՑՈՒՑԱՆԻՇՆԵՐԸ

Առողջապահական ոլորտն այն ոլորտներից է, որը մեծադեպ ֆինանսավորման կենտրոնում է: «Ժողովուրդ» օրաթերթը մեծադեպ ահազանգեր է ստանում մարզերի բնակիչներից, որ բժիշկներ չկան, իսկ եղածներն էլ մասամբ են սիրադեբոսում իրենց մասնագիտությանը եւ այդպիսով էլ առաջանում են ռազմա-մարտիկներ:



«Ժողովուրդ» օրաթերթը փորձեց հասկանալ՝ ինչ է կատարվում այս ոլորտում եւ վիճակագրական կոմիտեից տեղեկացավ ՅՅ-ում բժիշկների թվաքանակի մասին: Այսպիսով, ըստ վիճակագրական կոմիտեի տվյալների, ՅՅ-ում բժիշկների թվաքանակը կազմում է 13 943: Եթե համեմատենք Երեւանում եւ մարզերում բժիշկների թվաքանակը, ապա բժիշկների մեծ մասը՝ թվով 10 096-ը, Երեւանում են:

Արագածոտնի մարզում բժիշկների թվաքանակը 271-ն է, Արարատի մարզում՝ 458-ը, Արմավիրի մարզում՝ 410-ը, Գեղարքունիքի մարզում՝ 355-ը, Լոռու մարզում՝ 541-ը, Կոտայքի մարզում՝ 633-ը, Շիրակի մարզում՝ 587-ը, Սյունիքի մարզում՝ 247-ը, Վայոց ձորի մարզում՝ 93-ը, Տավուշի մարզում՝ 252-ը:

Անդրադառնանք նաեւ, թե որքան է կազմում միջին բուժանձնակազմի թվաքանակը Երեւանում եւ մարզերում:

Այստեղ եւս առաջատարը մայրաքաղաք Երեւանն է՝ 8 638 հոգով, երկրորդ տեղում Շիրակի մարզն է, որտեղ բուժանձնակազմի թվաքանակը կազմում է 1 187 մարդ, երրորդ տեղում Լոռու մարզն է, որտեղ բուժանձնակազմի թվաքանակը կազմում է 994 մարդ, իսկ բուժանձնակազմի ամենաքիչ թվաքանակը Վայոց ձորի մարզում է, որը հասնում է 188-ի:

Առավել հետաքրքիր է, թե որքան հիվանդանոցային մահճակալներ կան:

Այսպիսով՝ ՅՅ-ում ընդհանուր հիվանդանոցային մահճակալների քանակը 12 480 հատ է, որից 8 295-ը մայրաքաղաք Երեւանում է, 180 հատը՝ Արագածոտնի մարզում, 480-ը՝ Արարատի մարզում, 377-ը՝ Արմավիրի մարզում, 730-ը՝ Գեղարքունիքի մարզում, 466 մահճակալ՝ Լոռու մարզում, 498՝ Կոտայքի մարզում, 751՝ Շիրակի մարզում, 402՝ Սյունիքի մարզում, 85 մահճակալ՝ Վայոց ձորի մարզում, 216 մահճակալ՝ Տավուշի մարզում:

«Ժողովուրդ» օրաթերթը կից ներկայացնում է նաեւ առողջության առաջնային պահպանման ծառայություն մատուցող հաստատությունների (բացառությամբ բուժական մասնաբաժանական կետերի, մասնավոր բուժական եւ ստոմատոլոգիական կաբինետների) քանակը՝ ըստ մայրաքաղաք Երեւանի եւ ՅՅ մարզերի:

Այսպիսով՝ մայրաքաղաք Երեւանում առողջության առաջնային պահպանման

ծառայություն մատուցող հաստատությունների քանակը կազմում է 118-ը, Արագածոտնի մարզում՝ 24-ը, Արարատի մարզում՝ 59-ը, Արմավիրի մարզում՝ 59-ը, Գեղարքունիքի մարզում՝ 39-ը, Լոռու մարզում՝ 39-ը, Կոտայքի մարզում՝ 45-ը, Շիրակի մարզում՝ 32-ը, Սյունիքի մարզում՝ 16-ը, Վայոց ձորի մարզում՝ 8-ը, իսկ Տավուշի մարզում՝ 27-ը:

Նշենք, որ ըստ վիճակագրական կոմիտեի հրապարակման՝ տվյալները 2023 թվականի են:

Համեմատելով 2020 թվականի հետ, ակնհայտ երեւում է, որ 2023 թվականին թե՛ բժիշկների թվաքանակը, թե՛ միջին բուժանձնակազմի թվաքանակը, թե՛ հիվանդանոցային մահճակալների թվաքանակը ավելի շատ են եղել: Միգուցե այդ հանգամանքը պայմանավորված է կորոնավիրուսի համաճարակի եւ պատերազմի հետ:

ԱՆՆԱ ՄՐԱՊԻՈՆՅԱՆ

ԱՆՑՈՒՂԱՐԶ

ԶՄԵՌԱՅԻՆ ԱՆՎԱԳՈՂԵՐՈՎ ԵՐԹԵՎԵԿԵԼԸ՝ ՊԱՐՏԱԳԻՐ ՊԱՀԱՆՋ

Երեկվանից ուժի մեջ է մտել օրենսդրական կարգավորումը, ըստ որի՝ ձմեռային անվադողներով երթեւեկելը մարտի 31-ը ներառյալ դառնում է պարտադիր պահանջ: Այդ մասին հայտնում են ՆԳՆ-ից: Տրանսպորտային միջոցի շահագործումը կարգելվի, եթե. թեթեւ մարդատար ավտոմոբիլների եւ մինչեւ 3,5 տոննա թույլատրելի առավելագույն զանգված ունեցող բեռնատար ավտոմոբիլների վրա տեղադրված չեն ձմեռային անվադողեր, սառցակալած կամ ձյունածածկ ճանապարհային պայմաններում շահագործման համար նախատեսված ձմեռային անվադողերի նախշանկարի մնացորդային բարձրությունը նշված ճանապարհային պայմաններում երթեւեկության ժամանակ 4 միլիմետր եւ դրանից պակաս է, հունիս, հուլիս եւ օգոստոս ամիսներին կարգելվի տրանսպորտային միջոցների երթեւեկությունը, եթե դրանց վրա տեղադրված են բութակային հակասաքային անվադողեր:

ՆԱԽԱՏԵՍՎԱԾ ԿԱԿԻՆՁՆԵՐԻ ԽԱԽԱՏՄԱՆ ՀԱՄԱՐ ԳՈՐԾՈՒՄ ԵՆ ՎԱՐՋԱԿԱՆ ԿԱՏԱԽԱՆԱՏՎՈՒԹՅԱՆ ՄԻՋՈՑՆԵՐ:

Նախատեսված պահանջների խախտման համար գործում են վարչական պատասխանատվության միջոցներ:

ԵՐԲ ԿԲԱՐՉՐԱՆԱՆ ԹՈՇԱԿՆԵՐԸ

Թոշակառուները մշտապես բողոքում են, որ ստացած թոշակն այնքան քիչ է, որ ոչնչի չի բավականացնում: Դիցուք՝ 40.000 դրամ թոշակի մեծ մասը տրամադրում են դեղորայք գնելուն, իսկ ավելացածը չի բավականացնում կոմունալ վճարումների եւ սնունդ գնելու համար:

«Ժողովուրդ» օրաթերթը ահազանգեր է ստանում թոշակառուներից՝ նույն խնդրով պայմանավորված: Ահազանգածներից շատերը նշում են՝ հույս չունեն, որ թոշակը կբարձրանա:

Այսօր «Ժողովուրդ» օրաթերթին էր ահազանգել 40-ամյա տիկին Գոհարը, ով ունի հաշմանդամության կարգ եւ ստանում է 38.000 դրամ թոշակ, սակայն, ինչպես վերը նշեցինք, փողը չի բավարարում:

Քաղաքացին նաեւ նշեց, որ չգիտի, թե ինչպես է նշելու Ամանորը ստացած 38.000 դրամով:

«Ժողովուրդ» օրաթերթը կապ հաստատեց ՅՅ աշխատանքի եւ սոցիալական

ՆԱԽԱՐԱՐՈՒԹՅՈՒՆ՝ ԱՅՐԱԳԵԼՈՒ՝ ՍՊԱՍԿՈՒՄ Է ԱՌԱՋԻԿԱՅՈՒՄ ԹՈՇԱԿՆԵՐԻ ԲԱՐԾՐԱՑՈՒՄ, ԹԵ՛ Ո՛՛՛:

«Ժողովուրդ» օրաթերթին աշխատանքի եւ սոցիալական հարցերի նախարարությունից փոխանցեցին, որ հաշմանդամության նպաստի չափերը՝ ֆունկցիոնալության խոր աստիճանի սահմանափակումով հաշմանդամություն ունեցող անձի համար կազմում է 39.000 դրամ, ֆունկցիոնալության ծանր աստիճանի սահմանափակումով հաշմանդամություն ունեցող անձի համար՝ 37.500 դրամ, ֆունկցիոնալության միջին աստիճանի սահմանափակումով հաշմանդամություն ունեցող անձի համար՝ 36.000 դրամ, ֆունկցիոնալության խոր կամ ծանր կամ միջին աստիճանի սահմանափակումով հաշմանդամություն ունեցող երեխայի համար՝ 39.000 դրամ: Թոշակների բարձրացում այս պահին նախատեսված չէ: Հարցին՝ արդյոք եկող 2025 թվականին բարձրացումներ սպասվում են, թե ոչ, աշխատանքի եւ սոցիալական հարցերի նախարարությունից պատասխանեցին, որ եկող տարվա բյուջեով նախատեսված չէ:

Մինչ Յայաստանում թոշակառուները բողոքում են իրենց ստացած թոշակի չափից, հարեւան Վրաստանում գալիք 2025 թվականին թոշակները կհասնեն մինչեւ 200 դոլարի, ինչը համարժեք է 78.974 ՅՅ դրամի:

Ա. ՄՐԱՊԻՈՆՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 17 պատահար. 18 մարդ ստացել է տարբեր աստիճանի մարմնական վնասվածքներ:

ՏՆՏԵՍԱԿԱՆ

ՎԵՐԱՀՄԵՈՂԱԿԱՆ ՄԻՋՈՑԱՌՈՒՄՆԵՐ. ԸՆՆԱՐԿՈՒՄ

Շրջակա միջավայրի նախարար Յակոբ Սիմիդյանի գլխավորությամբ Սեւանա լճում սիգի ձկնորման ժամանակահատվածում իրականացվող համատեղ միջոցառումների կողմ գերատեսչությունների ներկայացուցիչների մասնակցությամբ քննարկվել է իրականացվող վերահսկողության համատեղ միջոցառումների ծրագրի իրականացման ընթացքը:

«Այսպիսով՝ 2024 թվականի նոյեմբերի 15-ից դեկտեմբերի 9-ը ընկած ժամանակահատվածում իրականացվել է 1698 ստուգայց, որի ընթացքում արձանագրվել է ձկնագողության 12, ապօրինի վաճառքի 72 դեպք, առգրավվել է 1215 կգ «սիգ» տեսակի ձուկ, 21 լողամիջոց եւ 2 ձկնորսական ցանց:

Նախապատրաստվում են նյութեր վարչական իրավախախտումների վերաբերյալ ՀՀ օրենսգրքի (թվով 18) եւ ՀՀ քրեական օրենսգրքի (թվով 10) համապատասխան հոդվածներով:

Ջեկուցվել է նաեւ, որ շարունակվում են հանդիպումները ձկնորսների հետ՝ բացատրելու ձկնագողության ժամանակահատվածում որսի արգելքի կարևորությունը:

Հանդիպման ընթացքում քննարկվել են խստացված միջոցառումների ժամանակացույցի եւ ստուգայցերի ձեւաչափի վերաբերյալ մի շարք հարցեր:

Նախարարը հույս է հայտնել, որ իրականացվող գործողությունները չեն հանդիպի ապօրինի դիմադրության եւ մեր քաղաքացիները կշարունակեն ըմբռնումով մոտենալ իրականացվող միջոցառումներին»,- ասված է շրջակա միջավայրի նախարարության տարածած հաղորդագրության մեջ:

2025-ԻՆ ԳՆԱՃԸ ԿԱՐՈՂ Է ՄԻՆՉԵՎ 0.5 ՏՈՒՆ ԿԱԶՄԵԼ

2025 թվականի համար ակնկալում ենք, որ տնտեսական աճը մեր երկրի պոտենցիալ աճին մոտ թիվ է լինելու՝ 5 տոկոսի շրջանակներում:

Այս մասին Կենտրոնական բանկում հրավիրված մամուլի ասուլիսի ժամանակ հայտնել է ԿԲ նախագահ Մարտին Գալստյանը:

Անդրադառնալով բանկային համակարգի աշխատանքին՝ Մարտին Գալստյանն ասաց, որ այս տարվա ընթացքում համակարգը բավականին մեծ շահույթով է աշխատել:

Արձագանքելով հարցին, թե 2025թ. հունվարի 1-ից նախատեսված տրանսպորտի գների բարձրացումը ի՞նչ ձեւով կազդի գնաճի վրա՝ ԿԲ նախագահը հայտնել է. «Տրանսպորտի գների փոփոխության հետեւանքով եկող տարվա ընթացքում գնաճը կարող է մինչեւ 0.5 տոկոս կազմել: Դա առավելագույն գնահատականն է»:

Roots Furniture

ԳԱՂԱՓԱՐԻՑ ՄԻՆՉԵՎ ՀԱՅԿԱԿԱՆ ԿԱՐՈՒՅՔԻ ԽՈՇՈՐ ԲԻԶՆԵՍ

Roots Furniture կահույքի ընտանեկան արտադրությունը, որը սղառողից առավել հայտնի է Acobian Furniture ապրանքանիշով, երկու սասնամյակից ավելի դասնություն ունի. բոլոր ավանդույթները փոխանցվել են ընկերության սֆորտն Լեւոն Մսեփանյանի դասիկից:

Ընկերության արտադրությունն իրականացվում է առանց թափոնների արտանետման, ներդրված է հատուկ փոշեհեռացմապան համակարգ, որը գործարանի տարածքից հավաքում է թեփը եւ դարձնում վառելիք՝ լուծելով ջեռուցման խնդիրները:

Roots Furniture ընկերության գործընկերն «Ակբա լիզինգ»-ն է, որի աջակցությամբ այն համալրվել է արեւային վահանակներով եւ հատուկ տեխնոլոգիաներով՝ ընդլայնելով եւ ավտոմատացնելով արտադրությունն ու գրոյացնելով հոսանքի ծախսերը:

«Տարիներ առաջ խորանալով ավտոմատացման մեջ՝ ռոբոտներ, ռոբոտաշինություն, ավտոմատացում կարողացա համադրել տրադիցիոն արտադրությունը նոր տեխնոլոգիաների հետ: Այսպես ստեղծեցի կահույքի ավտոմատացված արտադրություն, որը ապահովում է որակ եւ ինքնարժեքից ցածր գներ: Ինդուստրիալ 4-րդ հեղափոխությունը «խելացի» սարքերի մասին է, որի մշակույթը փորձում ենք բերել Հայաստան. «խելացի» սարքերի մուտքը Հայաստան նմանատիպ արտադրամասերի միջոցով պետք է լինի: «Ակբա լիզինգ»-»



ի հետ համագործակցության արդյունքում ձեռք ենք բերել նոր տեխնոլոգիաները, թափոնների վերամշակման մեծ փոշեկուլներ, ջեռոց, չորանոցներ եւ արեւային պանելներ՝ դարձնելով արտադրությունն ավելի արագ, որակյալ եւ նվազագույն սխալներով: «Ակբա լիզինգ»-ի հետ շատ հեշտ է եղել համագործակցությունը»,- նշել է Roots Furniture ընկերության տնօրեն Լեւոն Մսեփանյանը:

Roots Furniture-ի արտադրանքն այժմ ներկայացված է Հայաստանի մի քանի տասնյակ խանութներում: Այժմ ընկերությունն արտահանումներ է իրականացնում միայն Ռուսաստան, առաջիկայում ցանկանում են ընդլայնել արտահանման աշխարհագրությունը: «Ակբա լիզինգ»-ի 100% բաժնետերը «Ակբա» բանկն է: «Ակբա լիզինգ»-ը վերահսկվում է ՀՀ ԿԲ կողմից:

ԲԱՆԿԱՅԻՆ

IDMerch. IDBank-Ի ՆՈՐ ՎԱՐԿԱՏԵՍԱԿԸ

IDBank-ը բիզնեսների համար հերթական կարեւոր ու հիանալի նորությունն է պատրաստել: Բանկն իր կորպորատիվ հաճախորդներին առաջարկում է նոր IDMerch բիզնես վարկը/օվերդրաֆոնը:

IDMerch-ի հիմնական առանձնահատկություններից մեկն այն է, որ վարկը կամ օվերդրաֆոնը բիզնեսին տրամադրվում է POS տերմինալների եւ/կամ Իդրամ QR/online checkout վճարային համակարգի միջոցով իրականացված շրջանառությունների հիման վրա:

IDBank-ի Կորպորատիվ բիզնեսի տնօրեն Տիգրան Մխիթարյանի խոսքով՝ թիմը երկարատեւ աշխատանք է կատարել այս պրոդուկտի մշակման գործում, քանի որ սա բիզնեսների համար առավել մեծ հնարավորություններ է բացում. «IDMerch-ի վարկավորումը ավելի շատ բիզնեսների է հասանելի: Այս պրոդուկտի շնորհիվ տարբեր իրավաբանական անձինք եւ անհատ ձեռնարկատերեր կկարողանան առավել լավ պայմաններով, արագ վարկավորվել, ինչն էլ կնպաստի փոքր եւ միջին բիզնեսների զարգացմանն ու կայունացմանը»,- նշեց Տիգրան Մխիթարյանը:

Վարկի/օվերդրաֆոնի մեծությունը կարող է կազմել POS տերմինալներով եւ/կամ Իդրամ QR/online checkout վճարային համակարգերի միջոցով իրականացրած շրջանառությունների մինչեւ տասնապատիկը: Բացի այդ, բիզնեսի ֆինանսական վերլուծության գործընթացը

պարզեցված է եւ իրականացվում է արագ ու կարճ ժամկետներում: Սա նշանակում է, որ կորպորատիվ հաճախորդները, հատկապես՝ փոքր եւ միջին բիզնեսի ընկերությունները, արագ վարկավորման համար երկար ժամանակ ծախսելու կարիք այլեւս չեն ունենա:

Ինչպես նաեւ, ընկերությունը հնարավորություն կունենա ընտրել վարկի/օվերդրաֆոնի արժույթը՝ ՀՀ դրամ կամ ԱՄՆ դոլար: Բիզնես վարկը/օվերդրաֆոնը հնարավոր է մարել մինչեւ 60 ամիս ժամկետում՝ առանց տրամադրման միջնորդավճարի, իսկ օվերդրաֆոնի դեպքում կարող է տրամադրվել նաեւ 45 օր տոկոսագումարների մարման արտոնյալ ժամանակահատված: Մանրամասներին կարող եք ծանոթանալ բանկի կայքում:

ԸՆԿԵՐՈՒԹՅՈՒՆՆԵՐԸ ՎԵՐԱՀԱՅՎՈՒՄ ԵՆ ՀՀ ԿԲ ԿՈՂՄԻՑ

«ՖԱՍԹ» ԲԱՆԿ

«Ֆասթ» բանկի հաճախորդների համար այսուհետ հասանելի կլինի Apple Pay վճարման ծառայությունը, որն ավելի արագ, ապահով եւ անվտանգ գործարքներ է իրականացնում Apple սարքավորումների միջոցով: Apple Pay գործիքը հնարավորություն է տալիս կցել քարտը iPhone, Apple Watch, iPad, Mac սարքերում եւ անհայում վճարումներ իրականացնել ոչ միայն առեւտրի, սպասարկման կետերում, սրճարաններում, այլեւ առցանց խանութներում եւ հավելվածներում:

Քարտապանների տվյալներն ամբողջությամբ ապահով են, քանի որ համա-

կարգ չի պահպանում քարտի տվյալներն ամբողջությամբ սարքի կամ Apple սերվերի մեջ, ոչ էլ կիսվում է դրանցով գործարքներն իրականացնելիս: Համակարգը գործարկում է եզակի չկրկնվող ծածկագիր յուրաքանչյուր գործողության ժամանակ:

«Ֆասթ» բանկի հաճախորդները հեշտությամբ կարող են իրենց քարտը կցել Apple Wallet-ին, ընդամենը մուտք են գործում բանկի հավելված, ապա անցնում քարտերի բաժին էկրանի ներքեի հատվածում կարելի է տեսնել «Add to Apple Wallet» գործողության կոճակը, սեղմում են այն եւ հետեւում իրահանգներին: Քարտը հնարավոր է կցել վճարման անհայում համակարգին նաեւ Apple Wallet հավելվածի միջոցով՝ մուտք են գործում, սեղմում «+» նշանը եւ հավաքում քարտի անվտանգության ծածկագիրը: Քարտը հավելվածին կցելուց հետո քարտապաններն անմիջապես կարող են գործարքներ իրականացնել՝ պարզապես մոտեցնելով սարքը POS տերմինալներին, որոնք ընդունում են անհայում վճարումներ: Հավելվածը նաեւ, որ գործարքը վավերացվում է Face ID, Touch ID նույնականացման համակարգերով կամ այդ պահին սարքի գաղտնաբառը հավաքելով:

«Ֆասթ» բանկը թվային բանկ դառնալուն միտված ընկերություն է, որը 24/7 աշխատանքային գրաֆիկով ներկայացված է Հայաստանի բոլոր մարզերում, գործում է նաեւ բանկի հավելվածը: «Ֆասթ» բրենդն այս տարի տոնել է ստեղծման 30-ամյակը:

«Ֆասթ» բանկը վերահսկվում է ՀՀ Կենտրոնական բանկի կողմից:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԱՍԿՈՒՅԹ

2025-ԻՆ ԸՆԴԱՌԱՋ

ԵՐԲ ԶԱՐԴԱՐԵԼ ՏՈՆԱԾԱՌԻՆ ՈՒ ԻՆՉ ԳՈՒՅՆԵՐՈՎ

Ամանորը մոտենում է, իսկ դա նշանակում է, որ շուրջը շուրջ տոնական մթնոլորտ է ստեղծվելու:

«Ժողովուրդ» օրաթերթը ներկայացնում է, թե երբ պետք է զարդարել տոնածառն ու ինչ գույներով:

Այսպիսով՝ տոնածառը զարդարելու լավագույն ժամանակը կախված է անձնական նախասիրություններից և ավանդույթներից: Օրինակ՝ շատերը նախընտրում են տոնածառը զարդարել դեկտեմբերի սկզբին և այդպիսով էլ ստեղծել ամառային տրամադրություն:

Ավանդական մոտեցմամբ՝ տոնածառը զարդարվում է նաև Ամանորին նախորդող շաբաթը՝ մոտավորապես 20-25-ի ընթացքում:

Հայկական ավանդույթների համաձայն՝ հաճախ տոնածառը զարդարվում է դեկտեմբերի վերջին:

Հայաստանում տոնածառ զարդարելու ավանդույթները հիմնականում կապված են Նոր տարվա և Սուրբ Ծննդյան տոների հետ:

Տոնածառ զարդարելն ունի նաև ավանդական մոտեցում:

Հայկական տներում զարդարանքները հաճախ ունեն ազգային և ընտանեկան նշանակություն:

Օրինակ՝ տոնածառի վրա կախում են չամիչ, չրեր կամ մրգեր, որոնք խորհրդանշում են առատություն և բարգավաճում: Թղթյալ և ձեռագործ զարդեր պատրաստելը ևս ավանդական է՝ հատկապես ընտանիքի երեխաների մասնակցությամբ:

Հայկական մշակույթում տոնածառը հաճախ խորհրդանշում է Նոր կյանք, հույս և առատություն:

Տոնածառ զարդարելու արարողությունը հաճախ վերածվում է ընտանեկան տո-



նի, որտեղ բոլորը հավաքվում են միասին: Այդ ընթացքում ընտանիքները նաև սկսում են պատրաստել ավանդական ամառային ուտեստներ՝ գաթա, տոլմա և փախլավա:

Իսկ ինչ գույներով զարդարել տոնածառը:

Այս հարցը շատերին է մտատանջում, սակայն առաջին հերթին պետք է հասկանալ, որ ամեն բան կախված է անձնական նախընտրություններից:

Ինչպես արդեն հայտնի է, 2025 թվականը չինական օրացույցով համարվում է փայտե օձի տարի և ըստ ֆենշույի ու տարվա խորհրդանշանի՝ տոնածառի զարդարման գույներն ու ոճը կարող են ընտրել խորհրդանշական նշանակություն ունեցող գույներով:

Օրինակ սպիտակ տոնածառը կարելի է զարդարել կանաչ խաղաղիքներով, քանի որ այն խորհրդանշում է բարգավաճում, աճ, բնականություն և Նոր սկիզբ:

Փայտի տարրի հետ կապված՝ շագանակագույնը խորհրդանշում է կայունություն

և վստահություն: Տարվա խորհրդանշանին համապատասխանող զարդերից կարելի է օգտագործել նաև փայտյա զարդերը, որը նաև օրհգինալ կլինի: Կարելի է օգտագործել ոսկեգույն կամ դեղին զարդարանքներ, որոնք կբերեն առատություն, հաջողություն և լուսավորություն:

Անզուգական է մշտապես արդի կարմիր գույնը ասոցացվում է տոնական, կրակոտ էներգիայի, երջանկության և հաջողության հետ: Այս գույնի զարդարանքներով կարելի է ընդգծել տոնականությունը:

Այս գույները ոչ միայն համահունչ են 2025-ի խորհրդանշաններին, այլև ստեղծում են ներդաշնակ, տոնական և հիանալի մթնոլորտ տանը:

2025-ը համարվում է փոփոխությունների, ներդաշնակության և ներքին ուժերի տարին:

Տոնածառի ճիշտ գույները կօգնեն ներգրավել դրական էներգիա և ամրապնդել ձեր մտադրությունները Նոր տարում:

ԱՆՆԱ ՄՆԱԴՊՈՆՅԱՆ

ՄԱՐԶԱԿԱՆ

ՄԻՋԱԶԳԱՅԻՆ ՄԲՑԱՇԱՐ

Գրոմայստեր Շանթ Սարգսյանը միանձնյա առաջատար է Դոհայում ընթացող «Qatar Masters Open 2024» շախմատի միջազգային մրցաշարում: Այս մասին տեղեկացնում են Շախմատի ֆեդերացիայից:

Շանթից կես միավորով հետ են մնում գրոմայստերներ Անդրեյ Եսիպենկոն, Արթուր Էրիզանյանը և Սալեհ Սալեմը:

Այսօր Շանթը կմրցի Արթուր Էրիզանյանի հետ:

Մրցաշարի ավարտին մնացել է 3 խաղափուլ:

ԱՂԱԿԱՆԿԱՐՈՒՅՑ ԳՈՐԾԱՐՔ

«Ռեալը» հետաքրքրված է Լոնդոնի «Չելսիի» կիսապաշտպան Քոուլ Պալմերի ծառայություններով:

Աղբյուրի համաձայն՝ մադրիդյան ակումբի նախագահ Ֆլորենտինո Պերեսը և մարզական ղեկավարությունը գնահատում են Պալմերի և ֆուտբոլային որակները, և համաշխարհային մակարդակի խաղացող դառնալու նրա ներուժը: «Ռեալում» ցանկանում են անգլիացու միջոցով սկիզբ դնել թիմը երիտասարդացնելու նոր ռազմավարությանը:

Ընթացիկ մրցաշրջանում 22-ամյա խաղացողը «Չելսիի» կազմում մասնակցել է 17 հանդիպման՝ դառնալով 11 գոլի և 6 գոլային փոխանցման հեղինակ:

Պալմերի գործող պայմանագրի ժամկետը լոնդոնյան թիմի հետ նախատեսված է մինչև 2033 թվականի հունիսի 30-ը: Transfermarkt-ը նրա տրանսֆերային արժեքը գնահատում է 90 միլիոն եվրո:

ՄԲԱՊԵՆ ԿԱՐՈՂ Ե ԱՅԼԵՎՍ ԶԻՄԱՂԱԿ 2024-ԻՆ

Մադրիդի «Ռեալի» հարձակվող Կիլիան Մբապեն կարող է բաց թողնել 2024 թվականի մնացած մասը վնասվածքի պատճառով, որը ստացել է Չեմպիոնների լիգայի ընդհանուր փուլի 6-րդ տուրի՝ «Ատալանտայի» հետ խաղում (3:2):

Աղբյուրի համաձայն՝ Կիլիանի վնասվածքի բնույթը դեռ պարզված չէ, սակայն նշվում է, որ մկանային թելուկ աննշան անհարմարության դեպքում ֆրանսիացին չի մասնակցի «Ռայո Վալյենսիայի» հետ Լա Լիգայի հաջորդ հանդիպմանը (դեկտեմբերի 14), և կարող է բաց թողնել նաև Միջմայրցամաքային գավաթի եզրափակիչը (դեկտեմբերի 18):

Ավելի լուրջ վնասվածք ստանալու դեպքում Մբապեն բաց կթողնի Լա Լիգայի 2024 թվականի վերջին հանդիպումը՝ «Սեփիլայի» հետ, որը կկայանա դեկտեմբերի 22-ին:

Ֆուտբոլիստը երեկ՝ դեկտեմբերի 11-ին, բուժվելու անցավ:

Այս մրցաշրջանում Մբապեն բոլոր մրցաշարերում մասնակցել է 21 հանդիպման, որոնցում դարձել է 11 գոլի և 2 գոլային փոխանցման հեղինակ:

ՄԻՋՈՑԱՌՈՒՄՆԵՐ

ԸՆԴԱՆՄԱՆ ՎԱՐԴԱՆՅԱՆԻ ՖԻԼՄԸ ՀՆԳՎԵԼ Ե ՀՈՌՄԻ ՓԱՌՄԱՆՈՒՄ

Արցախյան 44-օրյա պատերազմի մասին պատմող Շողակաթ Վարդանյանի «1489» ֆիլմը հաղթող է ճանաչվել Ղրղիզի վավերագրական ֆիլմերի միջազգային փառատոնում: Այդ մասին ֆեյսբուքյան իր էջում տեղեկացրել է ֆիլմի ռեժիսոր Շողակաթ Վարդանյանը:

«Սա մեծ պատիվ է մեծ պատասխանատվություն է», - գրել է նա:

Հիշեցնենք, որ 44-օրյա պատերազմի մասին պատմող «1489» ֆիլմը Հայկական ազգային կինոակադեմիան «Ջեյմս Գրեյ»-ի «Օսկարի»՝ չնայած, որ ֆիլմը 2023 թ. արժանացել է Ամստերդամի վավերագրական ֆիլմերի միջազգային փառատոնի (IDFA) գլխավոր մրցանակին, նաև դուրս եկավ կինոյի աշխարհի ամենահեղինակավոր կինոփառատոնում՝ IDFA-ում արժանացել էր «Լավագույն ֆիլմ» գլխավոր մրցանակին:

Ֆիլմը ներկայացնում է Վարդանյանների ընտանեկան մթնոլորտը, նրանց հույզերը, ապրումները, տառապանքը, սպասումները 2020 թվականի 44-օրյա պատերազմի օրերին, երբ նրանք կորցրել են կապը ռազմաճակատում գտնվող սիրելի

որդու, սիրելի եղբոր՝ 21-ամյա Սողոմոն Վարդանյանի հետ:

«ԻՄ ԱՄԵՐԻԱ, ԻՄ ՀԱՅԱՍՏԱՆ» ԱՐԿՅՈՒՆՔՆԵՐ

«Ամերիաբանակի»՝ «Իմ Ամերիա, իմ Հայաստան» նախագծի շրջանակում դեկտեմբերի 10-ի դրությամբ քվեարկությանն արդեն իսկ մասնակցել է ավելի քան 45 հազար մարդ: Նախագծի նպատակն է մարդկանց համախմբել մեկ գաղափարի շուրջ և միասին ընտրել, թե որ ոլորտի զարգացմանն է ուղղվելու «Ամերիաբանակի» 2025թ.-ի կորպորատիվ սոցիալական պատասխանատվության (ԿՍՊ) ու բարեգործական ծրագրերի բյուջեից 100 մլն ՀՀ դրամը:

Քվեարկության միջանկյալ արդյունքներով առաջատար երեք ոլորտներն են երեխաների առողջությունը, կրթությունը, գիտությունը՝ քվեների, համապատասխանաբար, 54,4, 19,8 և 6,3 տոկոսներով: Բացի նշված ոլորտներից, քվեարկության են ներկայացված նաև հետեյալ ոլորտները՝ կայուն զարգացում, ՓՄՁ, տեղեկատվական տեխնոլոգիաներ, մշակույթ և սպորտ:

«Ամերիաբանակի»-ը մեկ հոլովակով ներկայացրել է Հայաստանի զարգացման հա-

մար առանցքային նշանակություն ունեցող 8 ոլորտներն ու դրանց հետևում կանգնած մարդկանց՝ իրենց երազանքներով ու նպատակներով:

Հիշեցնենք, որ «Ամերիաբանակի» կայքում քվեարկությանը մասնակցել կարող են բոլորը, իսկ Ամերիաբանակի հաճախորդների քվեն MyAmeria հավելվածով քվեարկելու դեպքում տասնապատկվում է: Քվեարկության արդյունքներն «Ամերիաբանակի»-ի կայքում թարմացվում են յուրաքանչյուր օր: Քվեարկությունը բաց է մինչև դեկտեմբերի 31-ը ներառյալ:

«Ամերիաբանակի» մասին

«Ամերիաբանակի»-ը ֆինանսական և տեխնոլոգիական առաջատար հաստատություն է, ՀՀ տնտեսական ոլորտի նշանակալի դերակատարներից մեկը: Թվային փոխակերպման ռազմավարության ներքո՝ բանկը ներդրում է շարունակաբար կատարելագործում է շուկայում եզակի պրոդուկտներ, ծառայություններ և նորարարական հարթակներ, որոնք միտված են բավարարելու մարդկանց ֆինանսական և ոչ ֆինանսական կարիքները:

«Ամերիաբանակի», որպես դինամիկ զարգացող ֆինթեք միջավայր, առաջարկում է կյանքի որակը բարելավող ամբողջական լուծումներ:

Բանկը վերահսկվում է ՀՀ Կենտրոնական բանկի կողմից:

● Դեկտեմբերի 15-ին՝ ժամը 19:00-ին, Հ. Ղափլանյանի անվան պետական դրամատիկական թատրոնում կցուցադրվի «Երեք ընկեր» ներկայացումը: Տոմսերի արժեքը՝ 3.000-6.000 դրամ:



ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ինչպես է աշխատող կանանց սրամադրվում հղիության և ծննդաբերության արձակուրդ:

Մետաքսիա Մարգարյան (24 տարեկան)



ՊԱՏԱՍԽԱՆ. Դիմողի հարցին ի պատասխան՝ տեղեկացնում ենք, որ աշխատող կանանց տրամադրվում է հղիության և ծննդաբերության արձակուրդ՝ 140 օր (70 օր՝ հղիության, 70 օր՝ ծննդաբերության), 155 օր (70 օր՝ հղիության, 85 օր՝ ծննդաբերության)՝ բարդ ծննդաբերության, 180 օր (70 օր՝ հղիության, 110 օր՝ ծննդաբերության)՝ միաժամանակ մեկից ավելի երեխաներ ունենալու դեպքում:

Այդ արձակուրդը հաշվարկվում է միասին և կնոջը տրամադրվում է ամբողջությամբ: Ժամանակից շուտ ծննդաբերելու դեպքում հղիության արձակուրդի չօգտագործված օրերը գումարվում են ծննդաբերության արձակուրդի օրերին: Նորածին որդեգրած կամ նորածնի խնամակալ նշանակված աշխատողին տրամադրվում է արձակուրդ որդեգրելու կամ խնամակալ նշանակվելու օրվանից մինչև նորածնի 70 օրական (երկու և ավելի նորածին որդեգրելու կամ երկու և ավելի նորածնի խնամակալ նշանակվելու դեպքում՝ մինչև նորածինների 110 օրական) դառնալը:

Փոխնակ մոր միջոցով երեխա ունեցած աշխատողին (երեխայի կենսաբանական մորը) տրամադրվում է արձակուրդ երեխայի ծնվելու օրվանից մինչև նորածնի 70 օրական (երկու և ավելի նորածնի երեխա ծնվելու դեպքում՝ մինչև նորածինների 110 օրական) դառնալը:

ՀՀ աշխատակալի և սոցիալական հարցերի նախարարություն

«ԺՈՂՈՎՈՒՐԳ». Հայտնում ենք, որ ամենամյա արձակուրդը չօգտագործելու համար դրամական հատուցումը վճարվում է աշխատանքային պայմանագիրը լուծելիս: Հատուցման չափը որոշվում է տվյալ ժամանակահատվածի համար տրամադրման ենթակա ամենամյա արձակուրդի չօգտագործված օրերի քանակով: Եթե աշխատողին ամենամյա արձակուրդը չի տրամադրվել մեկ տարուց ավելի ժամանակահատվածով, ապա հատուցումը վճարվում է չօգտագործված բոլոր արձակուրդների համար:

ԿՎՐԳ

ՀԱՐՑ. Խնդրում եմ ասել՝ կարող են արդյոք դեռուքյան կամ համայնքային սեփականություն հանդիսացող հողամասերը սրամադրվել կառուցադասման իրավունքով: Եվ ուզում եմ իմանալ, թե ինչպես կարող է սնօրինվել հողամասի կառուցադասման իրավունքը:

Հունան Մուրադյան (51 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ պետական կամ համայնքային սեփականություն հանդիսացող հողերը կառուցապատման իրավունքով տրամադրվում են միայն Հայաստանի Հանրապետության հողային օրենսգրքի 60-րդ հոդվածով սահմանված հողամասերից: Կառուցապատման իրավունք ունեցող անձը կարող է այդ իրավունքը տնօրինել՝ փոխանցել այլ անձի, ազատորեն օտարել, գրավ դնել այն, ինչպես նաև կատարել այլ գործարքներ կառուցապատման իրավունքի նկատմամբ: (Հայաստանի Հանրապետության քաղաքացիական օրենսգրքի 2041-րդ հոդված):

Կադաստրի կոմիտե

«ԺՈՂՈՎՈՒՐԳ». Կառուցապատման իրավունքը անձի իրավունքն է այլ անձի պատկանող հողամասում քաղաքաշինական նորմերի ու կանոնների, ինչպես նաև հողամասի նշանակության վերաբերյալ պահանջների պահպանմամբ, սահմանված կարգով կառուցել շենքեր և շինություններ, դրանք վերակառուցել կամ քանդել և կառուցապատման իրավունքի գործողության ժամկետի ընթացքում տիրապետել և օգտագործել այդ գույքը:

ԼՈՒՐ ԿԱԴՐ

Լուսանկարը՝ «Ժողովուրդ» օրաթերթի



Թեպետ վերջին տարիներին Հայաստանում շատ ենք հանդիպում տղամարդ մատնահարդարների, ինչը մեզանում տարածված երեւոյթ չէր, այնուամենայնիվ անցողիկների համար դեռես անսովոր է տեսնել «Արման ԵՆԼ ԲԱՐ» ծեփակերպմամբ մատնահարդարման սրահը: Համաձայնեք, սակայն, որ ակնառու ու հետաքրքիր է:

ԲԱԺՆՈՐԳԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդադարաւանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ե/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-5 - 9 -1 + 2
Կոտայքի լեռներ	-6 - 8 -1 + 1
Կոտայքի նախալեռներ	-3 - 5 +3 + 5
Գեղարքունիք	-7 - 11 -2 + 1
Լոռի	-4 - 8 +1 + 4
Տավուշ	0 - 4 +3 + 6
Արագածոտնի լեռներ	-6 - 9 0 - 2
Արագածոտնի նախալեռներ	-1 - 4 +4 + 7

Արարատ	0 - 4 +6 + 8
Արմավիր	-1 - 5 +5 + 7
Վայոց ձորի լեռներ	-6 - 10 0 - 2
Վայոց ձորի նախալեռներ	-1 + 2 +12 + 14
Սյունիքի հովիտներ	0 + 3 +8 + 10
Սյունիքի նախալեռներ	-4 - 8 -1 + 4
ԼՂՀ	-3 - 7 0 + 6
Երեւան	0 - 2 +2 + 4

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ.՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 11.12.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: